



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xxviiij Augustinus Bischoff zu Hippone.


[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Ruf  
A  
xxvij  
Ruffus.

Dieser ist erstlich ein Heydnischer Ritter gewesen/ vnd hat sich in seinem Ampt ernstlich vnd ganz auffrichtig gehalten. Nachmals ist er zu Christlichem glauben bekehret/ vnd ein warer Christlicher Ritter worden/ Dañ zu der zeit Diocletian Römischen Keyfers / hat er häfftig wider die Heydnische Abgötterey gestritten/ Vnd dieweil er dem Teuffel nit weichen/ noch seine Abgötter anbetten vnd verehren wolte/ ist er mit allem seinem Hausgesinde vnd andern beständigen Christen/ nach gräwlicher peinigung umbbracht/ vnd in die zahl der lieben beständigen Heyligen zur Himmelschen Gesellschaft genommen worden.

Aug  
B  
xxviii  
Augustinus.

Dieser Augustinus/ ein fürtrefflicher Lehrer Christlicher Religion/ ist ein Aphyricaner gewesen / vom Ehrlichen Eltern geboren/ Parricio vnd Monica. In seiner Jugend hat er sich begeben auff die Kunst/ zierlich zu reden. Er ist neun jar mit der Manicheischen Secten vnd ihren irthumb umbgangen / Darnach ist er ghen Rom kommen/ vnd durch Simachi des Stattpflegers anregung / vom dannen ghen Meylandt gezogen/ daselbst hat er den heyligen Lehrer Ambrosium



num mit besonderem fleiß vñnd Eysfer / vom  
 Christlichem glauben hören lesen vñnd predi-  
 gen / dardurch ist er vonn der Manicheischen  
 Keckerey abzustehen / vñnd sich inn die Christli-  
 che Gemeyn zubegeben / beweget / vñnd durch  
 anregung seiner Mutter Monica im dreissig-  
 sten Jar seines alters / vonn dem heiligen Am-  
 brosio / auff das herrliche Feste der Ostern ge-  
 tauffet worden / vñnd haben den Herrlichen  
 Lobgesang /

Lobgesang/ Te Deum laudamus, Herr Gott wir loben dich/ etc. gemacht / vnd mit grossen freuden gesungē/ nach der geburt Christi 387. Nach empfangener Tauff ist er wider inn A. phricam gezogen/ daselbst hat in Valerius Bischoff zu Hyppone zu einem Bischoff verordnet vñ eingesetzt/ Solchs Ampt hat er 40. jar Christlich versehen/ vnd häfftig mit lebendiger stimm vnd mit schreiben / die Manicheische/ Arianische / Donatistische vnd Pelagianische Kezerey widerfochten.

Nach dem aber die Vandali Aphyricam alenthalben verwüster / vnd auch die Statt Hypponem häfftig belägert/ ist er vor der erobring der Statt im 76. jar seines alters / vnd im 433. Jar Christi seliglich inn beständiger Christlicher bekandnuß gestorben.

coll  
C  
xxix  
Johann  
Friederich  
Churfürst.

Jeweil wir droben genugsam von Sanct Johannis Geburt/ Leben/ Lehr vnd Sterben gesagt / wollen wir hierinn inn die zahl der Christlichen frommen Könige vnd Fürsten/ auch diesen Johann Friederichen Churfürsten des Heyligen Römischen Reichs / etc. vnd Fürst zu Sachsen/ setzen vnd erzehlen. Dieser Christlich